



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-262/22
Sarajevo, 25.08.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, v.d. glavnog tužioca Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci za usluge servisiranja i održavanja printera, faksova, kopir aparata, skenera i multifunkcionalnih uređaja Tužilaštva – Tužiteljstva Bosne i Hercegovine, dodjeljuje se ponuđaču „11“ d.o.o. Istočno Sarajevo.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnoj Tenderskoj dokumentaciji za dostavu ponuda.
- (2) Ponuda ponuđača iznosi 0,01 KM bez PDV-a.
- (3) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Tenderskoj dokumentaciji.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke je pokrenut Odlukom o pokretanju postupka javne nabavke broj: A-262/22 od 20.07.2022. godine. Javna nabavka je provedena putem konkurentskog postupka. Procijenjena vrijednost javne nabavke je 25.641,03 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-2-178-3-14/22 od 21.07.2022. godine. Do krajnjeg roka za dostavu ponuda, na Protokol Tužilaštva –

Tužiteljstva BiH zaprimljene su dvije uredne zapečaćene i neotvorene ponude ponuđača: „ALF-OM“ d.o.o. Banja Luka i „11“ d.o.o. Istočno Sarajevo

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2022. godinu, broj: A-561/21 od 23.11.2021. godine, A-561/21-1 od 17.01.2022. godine i A-561/21-2 od 11.07.2022. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača „ALF-OM“ d.o.o. Banja Luka i ponuđača „11“ d.o.o. Istočno Sarajevo zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Ponuđena cijena ponuđača „ALF-OM“ d.o.o. Banja Luka iznosi 2.880,00 KM bez PDV-a, a ponuđena cijena ponuđača „11“ d.o.o. Istočno Sarajevo iznosi 0,01 KM bez PDV-a.

E-aukcija je u ovom postupku provedena dana 25.08.2022. godine. Nakon provedene e-aukcije, utvrđeno je da niti jedan od dva ponuđača u postupku nabavke usluge servisiranja i održavanja printera, faksova, kopir aparata, skenera i multifunkcionalnih uređaja nije ponudio nižu cijenu od inicijalno dostavljene, te da je najjeftinija ponuda ponuđača „11“ d.o.o. sa iznosom od 0,01 KM bez PDV-a.

Shodno navedenom, članovi Komisije su uputili preporuku v.d. glavnog tužioca Tužilaštva – Tužiteljstva Bosne i Hercegovine za donošenje odluke o dodjeli ugovora ponuđaču „11“ d.o.o. Istočno Sarajevo.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima;
- Odjelu za mat.-fin. poslove



Milanko Kajganić